



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Deputationis Administratoris Domus Pie Form. X.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

curationem à visitatis, prout juris est, exigendi, & alia gerendi, quæ facere, gerere, & exequi tam ordinaria, quam delegata auctoritate Nos met ipsi visitando possemus, Tibi omnia generaliter, & specialiter committendo. In quorum &c. Datum &c.

N. Episcopus N.

Loco ✠ Sigilli.

N. Cancellarius Episcopalis.

ADNOTATIONES.

**1. ADVERSA VALETUDINE DE-
TENTI.** Sive alio legitimo impedimento, de quo sufficit constare per solam assertionem Episcopi, qui nullam tenetur causam impedimenti assignare, ut respondit *Sacr. Congr. Concil. in Portugallen. Visitationis 29. Januarii 1701. in responsione ad secundum dubium.*

2. NOSTRÆ DIÆCESIS. Jus visitandi non solum est delegabile quoad Ecclesias, & loca pia Diœcesis, sed etiam quoad Visitationem Ecclesiæ, & Capituli Cathedralis, quamvis in præteritum Episcopi per se ipsos Cathedralem visitaverint, quoties Episcopus asserat se legitimo impedimento (quamvis temporali) detineri, *Sacr. Congr. Concilii in d. Portugallien. 29. Januarii 1701. in responsione ad primum.*

3. PROCURATIONEM, PROUT JURIS EST EXIGENDI. Visitator delegatus non potest integram procuracionem à visitatis exigere, sed tantum pro medietate, juxta Decreta relata à Nicolio in *fosc. verbo Visitatio n. 1. vers. quando tamen, & num. 10. limit. 9.* & nuper declaravit *Sac. Congr. Concilii in Amalphi-tana 17. Julii 1699. ad quartum.*

4. Visitat quoque Episcopus per suum

Subdelegatum Monasteria, & Parochiales exemptas tamquam in hac parte Delegatus Sedis Apostolicæ, absque eo quod possint exempti Subdelegatum recusare, quoties exhibeat specialem facultatem in scriptis, *Fagnan. in c. Quoniam num. 27. & 35. de offic. Deleg. Sacr. Congr. Concilii in Passavien. 1. Octobris 1661. relata à Pignatell. consult. 7. n. 19. & 29. tom. 7.*

5. Potest quoque Episcopus in Visitatione rationem administrationis officii exigere à Vicario Capituli Sede vacante constituto, atque si alicujus delicti reus reperitur, punire, ut declaravit *Sacr. Congr. Concil. 8. Aprilis 1595. à cap. 16. sess. 24. de reform.*

Deputationis Administratoris Domus
Pie.

FORMULA X.

SUMMARIVM.

- 1 Administratores locorum pieorum equiparantur Tutoribus, & habent liberam administrationem.
- 2 Debent librum rationum retinere.
- 3 Si non retinent libros, præsumuntur dolosi, & juratur contra eos in litem.

N. Episcopus N.

Universis &c. Nuper siquidem accepimus, quod Domus pia, sive Hospitalis loci N. per obitum N. ultimi ipsius Administratoris caret Rectore, Nos ad quem præsentatio personæ idoneæ ad regimen, & administrationem d. Domus, destinatio, ac omnimoda dispositio pleno jure pertinet, eidem Domi, seu Hospitali, de utili, & bono Rectore, & Administratore salubriter providere volen-

lentes, honestum, & providum Virum N. incolam, & habitatorem d. loci N. probum ac bonæ conversationis (de quo in Domino fiduciam obtinemus specialem) Rectorem, & Administratorem d. Domus, (seu Hospitalis) omniumque jurium & bonorum illius, cum facultatibus, honoribus, & oneribus solitis, & consuetis instituiamus, & deputamus auctoritate nostra. Ac eundem N. coram Nobis propter hoc constitutum in corporalem possessionem d. Domus Piae N. seu quasi juriumque, & bonorum ipsius inducimus per praesentes, praestito per eum ad Sancta Dei Evangelia corporali juramento, quod bona, & jura ad dict. Domum (seu Hospitale) pertinentia quomodocumque, bene, & fideliter, & utiliter reget, & gubernabit, & rationem Nobis reddet: Infirmis (seu Peregrinis, aut Projectis) & aliis personis in eadem Domo infervientibus, & existentibus, & quibus existent pro tempore, necessaria ministrabit, ac ministrare faciet, jura, libertates, atque bona cuncta ad eam pertinentia manutenebit, & defendet, nihilque alienabit, sed alienata recuperabit, & ad proprietatem d. Domus reduci pro posse procurabit. Quocirca mandamus vobis omnibus &c. quatenus d. N. in Rectorem, & Administratorem dict. Domus Piae N. (seu Hospitalis) recipiatis, & recipi faciatis, ipsumque in realem, & actualem possessionem d. Domus juriumque, & pertinentiarum praedictorum inducatis, & defendatis inductum, amoto ab ea quolibet alio detentore, quoniam, &c. Datum &c.

N. Episcopus, five Vicarius Generalis N.

Loco ✠ Sigilli.

N. Cancellarius.

ADNOTATIONES.

1. **CUM FACULTATIBUS, ET ONERIBVS SOLITIS.** Administratores locorum piorum habent liberam administrationem, & Tutoribus æquiparantur, & possunt expedire etiam ea, quæ mandatum speciale aliàs exigent, cum ex eorum electione, & deputatione censeatur illis data omnis opportuna facultas, ne contrahentes cum illis decipiantur, Rot. decis. 432. n. 26. & seq. par. 9. rec. quam refert Sabell. in Sum. divers. tract. 9. Administrator post num. 18. quod intellige de rebus, quæ servando servari non possunt, & de redditibus bonorum administratorum.

2. Onus autem speciale cujusvis Administratoris est, librum rationum conficere, & retinere, in quo cum appositione diei, mensis, & anni adnotare debet data, & recepta, aliàs illi non creditur, Rot. decis. 217. & 218. part. 2. divers.

Tusch. litt. A concl. 202. cum aliis quos allegat idem Sabell. loco mox citato numer. 6.

3. Nec sufficit tenere computa in foliis, listis, & ut vulgò dicitur in scartafaciis, aliàs poterit contra eum jurari in litem, quia si non retinet librum censeatur in dolo praesumpto, nisi aliunde administrator paratus sit docere de administratis, ut latè declarat Tusch. dict. concl. 202. num. 15. 23. 24. & seqq.

Supradicta Formula uti poteris in aliis similibus depositionibus Officialium locorum piorum quocumque nomine nuncupatorum, mutatis mutandis.

Litterarum Familiaritatis.

F O R M U L A X I.

S U M M A R I U M.

1. Quis dicatur verè Familiaris.

N. Car-